

Guangjisi Minzcu Bau

ganhhau: CN45-0036 B.2015 Nd.10 Ng.14 liggaueq ietfeih nienz ndwengouj co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3194期

Daengx Guek Saujsu Minzcu Sueng Vah Gyauyuz Yozsuz Yenzdaujvei Youq Namzningz Hai

全国少数民族双语教育学术研讨会在南宁市召开

9 nyied 29 daengz 30 hauh, Cungguek Saujsu Minzcu Sueng Vah Sonhag Yenzgiuvei caeuq Gvangjsih Minzcu Dayoz youq Namzningz doengzcae z gawjbanh daihngheicib it baez daengx guek saujsu minzcu sueng vah gyauyuz yozsuz yenzdaujvei.

200 lai boux lauxhangz daj daengx guek 17 aen sengj, si, swcigih Gun, Cuengh, Mungz, Veiz, Veizvuzwj, Hahsazgwz daengj 20 lai aen minzcu daeuj haenx doxcomz youq Gvangjsih Minzcu Dayoz, doxyaeng baenzlawz hwngfat guek

raeuz saujsu minzcu sueng vah gyauyuz.

Gyauyuzbu, Guekgya Minzveij, Gvangjsih Bouxcuengh Swcigih Minzveij nem Gyauyuzdingh caeuq Gvangjsih Minzcu Dayoz mbanj lingjdauj camgya gaihmuji.

Yinzminz Cuzbanjse fucungj-benh Cwng Vangcen z guh le gij baugau "Yenzgiu caeuq saedhengz cienzyizci minzcu cungh siujyoz Sawgun gocwngz biucinj"; Cungguek Saujsu Minzcu Sueng Vah Sonhag Yenzgiuvei yungzyi veicangj Dingh Vwnzlou z gyasou gejdap le gij

vwndiz sueng vah gyauyuz daihroek baez daengx guek minzcu gyauyuz gunghcoz veiyi; Gvangjsih Bouxcuengh Swcigih Gyauyuzdingh Minzgyaucu cucangj Veiz Lanzmingz gaisau le gij gingniemh Gvangjsih Cuengh Gun sueng vah gyauyuz.

Linghvaih, gyoengq lauxhangz doiq cwngcwz vahgangj, sueng vah gyauyuz caeuq minzcu vwnzva swncien z, sueng vah gyauyuz hwngfat duicwz yenzgiu, sueng vah gyauyuz hwngfat vunqsik guek raeuz daengj vwndiz guh le doxyaeng.

(Vangz Vwnzgenh/王文娟)

SIUSIK DINJ

简讯

● 10 nyied 10 hauh, Lungzswng Gak Cuz Swciyen Byauzlij Cin cie p daeuj "ciet ngaizbya" moix bi gvaq baez haenx, geij bak boux vunzmbanj caeuq bouxhek yienhcie ngz ciemmingz cangyi baujhoh duzbya, vanzlij gawjbanh yienghcoj gaebbya, ruzlungz loengh raemx caeuq gwn ngaizbya daengj angqhoh fungsou hozdung, yinx ndaej haujlai hekyouz daeuj daejniemh yawjngonz.

(Vuz Swngbinh)

● Gaen h geij bi neix daeuj, Lingzyinz Yen Dangveij, Cwng-fuj ciuq dieg bae guh, haenqrengz gujli vunz lai lajmbanj, doenggvaq cwngfuj bangcoengh daengj banhfap, hwngfat daegsaek dajciengx, vanzlij yinx aeu mou ndei diegrog ma ciengx, dangqnaj daengx yienh miz 30 lai hoh ciennieb ciengx mou, haujlai nungzhoh baengh ciengx mou baenzfouq.

(Siuh Fazlingz)

● 9 nyied 30 hauh banhaemh, Cauhbingz Yen youq yienhsingz vwnzva gvangcangz gawjbanh cawjdaez dwg angqhoh guekgingq vwnzyi vanjvei. Gij cezmu z yienj heiq, caijdiu, diuqfoux daengj heiqsik lajmbanj naekna ndei yawj, yinx ndaej haujlai vunz daeuj yawj.

(Liuz Feih)

● Dangqnaj, Ningzmingz Yen Swlang Yang h gaenq laebbaenz 6 aen nungzminz conhyez hozcozse, baugvat dajndaem gosahyinz, dajndaem makfeiz, dajciengx duzrwi, dajciengx yienzbya, dajciengx mouduenh, lajfaex dajciengx dajndaem daengj, buenq bi laeng youh laeb dajciengx duzcwz, swnghdai lijyouz hozcozse, aeu neix daeuj daiqlingx vunz lai henzguek lai vaiq baenzfouq.

(Couh Yizganh)

● Bineix, Liujcwngz Yen gyarengz gajguh denvangj lajmbanj, gungh guh hanghmoeg 128 hangh, gungh roengzngaenz 15345 fah maenz, soqlaiz dwg baez neix roengzcien z ciei lai. Dangqnaj, Liujcwngz Gungden Gunghsw h cingq ciuq yanghcin faecek hanghmoeg, caemhcai q ciuq dajsuenq bae guh.

(Dwng Gwzyi)

Namzningz Cinghsiugih Banh Gaiq Daihngheih Ciet Lijyouz Vwnzva Fungcingz Minzcu

南宁青秀区举办第二届民族风情文化旅游节



10 nyied 1 hauh, Namzningz Si Cinghsiugih gaiq daihngheih ciet lijyouz vwnzva fungcingz minzcu youq Gvangjsih Minzcu Cunh cingqsik haimuq, gaiq ciet neix mboujdanh dwg baez hoihhoengh Gvangjsih minzcu vwnzva he, vanzlij hawj Namzningz seiqhenz youq guekgingq seizgeiz lijyouz bienq nauhyied, minzcu hozdung lai cungj lai yiengh caeuq feihdauh nyuenz miz neix yinx ndaej haujlai hekyouz daeuj yawjngonz daejniemh.

Ciuq cam rox, aen ciet neix faen baenz song aen hoihciengz, cawjhoihcie ngz laeb youq Gvangjsih Minzcu Cunh, faenhoihcie ngz youq Liuzhih Cin, cawjdaez dwg "gamjsouh minzcu fungcingz vwnzva, daejniemh gij angqyangz youz Cinghsiu". Ndaw doz dwg hekyouz yawjngonz gunghyibinj hongfwngz Bouxcuengh.

(Dangz Ciuhyen/唐秋艳)

Dwzbauj Yen Netsaed Doicaenh Hong Baujhoh Swncien z Vwnzva Minzcu

德保县扎实推进民族文化遗产保护工作

Vihliux baujhoh swncien z daegsaek vwnzva bonjdieg, gaen h geij bi neix daeuj, Dwzbauj Yen doenggvaq soucomz cingjleix oksaw, hailaeb Vahcuengh densi lanzmoeg, doicaenh minzcu vwnzva haeuj hagdangz caeuq baujhoh coihcingj conzdungj ranzgaeuq daengj fuengsik, netsaed doicaenh hong baujhoh swncien z vwnzva minzcu, aeu ndaej cingzcik gij ndei.

It dwg cujciz bonjyienh vwnzva boux mizmingz, yisuzgyah daengj ligliengh, soucomz cingjleix oksaw le 《Ngeihyien z Ndokmax Bouxcuengh Giekdae j Gyaucwngz》、《Byayinzsanh Dahgensuij》、《Fwenyox Dahgensuij》

daengj buek saw vwnzyi miz daegsaek minzcu naekna he, vih baujhoh swncien z ndei minzcu vwnzva dwk roengz giekdae j; ngeih dwg hailaeb 《Sinhvwnz Vahcuengh Dwzbauj》、《Gojgaeq Byayinzsanh》 daengj Vahcuengh densi lanzmoeg, hawj ndawbiengz cungj daeuj gvansim hong baujhoh swncien z vwnzva minzcu; sam dwg netsaed doicaenh hong vwnzva minzcu haeuj hagdangz, aeu yisuz ngeihyien z ndokmax Bouxcuengh, Gienzcuen gh Dwzbauj daengj daegsaek vwnzva bonjdieg yinxhaeuj hagdangz, leihyungh hagdangz aen gyauyuz bingzdaiz neix, senhconz, fatyien gh daegsaek minzcu

vwnzva maenhndei bonjdieg; sei q dwg haenqrengz doicaenh hong baujhoh Bouxcuengh conzdungj ranzgaeuq, cingjhab gij cienzngaenz bumwnz coih ndei ranzcanx Bouxcuengh Cuzyungz Cin Nazlieng Cunh Mbanjnazleiz, mbanj daegsaek saujsu minzcu baujhoh ndaej gig ndei. Bi' gvaq gouj nyied, aen yienh neix Cwngzgvanh Cin Mbanjdaso ndaej daengz Guekgya Minzveij ancoh baenz "mbanjranz daegsaek saujsu minzcu Cungguek", bienqbaenz daengx guek 340 aen mbanjranz ndaej aen cwngheuh neix ndawde aen he.

(Nungz Yungjfang/农永放)